

Na osnovu člana 5. stav (2) Zakona o zaštiti lica koja prijavljuju korupciju u institucijama Bosne i Hercegovine ("Službeni glasnik BiH", broj 100/13) i Poglavlja III. tačke 1. Odluke o organizaciji Sekretarijata Parlamentarne skupštine BiH ("Službeni glasnik BiH" broj: 92/05 i 63/08), Kolegij Sekretarijata Parlamentarne skupštine BiH na svojoj 60. sjednici, održanoj 25.04.2014. donio je

PRAVILNIK O INTERNOM PRIJAVLJIVANJU KORUPCIJE I ZAŠTITI LICA KOJE PRIJAVI KORUPCIJU U SEKRETARIJATU PARLAMENTARNE SKUPŠTINE BIH

Poglavlje I. - Opće odredbe

Član 1. (Predmet)

Pravilnikom o internom prijavljivanju korupcije i zaštiti lica koje prijavi korupciju u Sekretarijatu Parlamentarne skupštine BiH (u daljnjem tekstu: Pravilnik) propisuje se postupak internog prijavljivanja korupcije i drugih nepravilnosti u radu koje ukazuju na postojanje korupcije u Sekretarijatu Parlamentarne skupštine BiH, imenovanje komisije nadležne da postupa po prijavama korupcije, obaveza obavještanja lica koje je prijavilo korupciju, zaštita lica koje prijavi korupciju i druga pitanja koja su vezana za interno prijavljivanje korupcije u Sekretarijatu Parlamentarne skupštine BiH.

Član 2. (Definicije)

(1) Izrazi korišteni u ovom pravilniku imaju sljedeće značenje:

a) „korupcija“ podrazumijeva sve radnje koje imaju obilježja krivičnog djela u skladu s važećim propisima uključujući, ali ne ograničavajući se na svaku zloupotrebu moći povjerenu državnom službeniku, zaposleniku, savjetniku, izabranom ili imenovanom dužnosniku koja može dovesti do privatne koristi te osobe, domaćeg ili stranog fizičkog ili pravnog lica; direktno ili indirektno zahtijevanje, nudenje, davanje ili prihvatanje mita ili neke druge nedopuštene prednosti ili njene mogućnosti, čime se narušava odgovarajuće obavljanje bilo kakve dužnosti ili ponašanje očekivano od primaoca mita; svaka povreda zakona, drugog propisa ili nepravilnosti u radu i prevare koje ukazuju na postojanje gore navedenih istih ili sličnih radnji;

b) „uzbunjivač“ je osoba koja je zaposlena u Sekretarijatu Parlamentarne skupštine Bosne i Hercegovine, koja zbog opravdane sumnje i/ili postojanje materijalnih dokaza na postojanje korupcije u Sekretarijatu Parlamentarne skupštine Bosne i Hercegovine, u dobroj vjeri, podnese prijavu protiv korupcije u skladu s ovim pravilnikom i važećim propisima. Svaka druga osoba koja je angažovana u Sekretarijatu Parlamentarne skupštine Bosne i Hercegovine po osnovu ugovora o djelu ili drugog sličnog ugovora također ima pravo da prijavi korupciju u skladu s ovim pravilnikom, s tim da ta osoba nema pravo na zaštitu iz radnog odnosa

predviđenu ovim pravilnikom, niti joj se može dodijeliti „poseban status uzbunjivača“ iz tačke c) ovog člana;

c) „poseban status uzbunjivača“ je status koji uzbunjivaču dodijeli Agencija za prevenciju korupcije i koordinaciju borbe protiv korupcije (u daljem tekstu: Agencija), na osnovu kojeg uzbunjivač uživa dodatnu zaštitu s ciljem sprečavanja negativnih posljedica u vezi njegovog radno-pravnog statusa, u odnosu na konkretnu prijavu.

(2) Na ostale pojmove koji nisu definisani ovim pravilnikom a odnose se na korupciju, primjenjuju se definicije iz Zakona o zaštiti lica koja prijavljuju korupciju u institucijama Bosne i Hercegovine.

Poglavlje II. – Interno prijavljivanje korupcije i drugih nepravilnosti

Član 3.

(Pravo na interno prijavljivanje korupcije)

(1) Svaki državni službenik, zaposlenik ili drugo lice zaposleno u Sekretarijatu Parlamentarne skupštine BiH koje ima saznanja ili materijalne dokaze o postojanju korupcije, može podnijeti internu prijavu nadležnoj komisiji iz člana 4. ili licima iz člana 5. ovog pravilnika.

(2) Zloupotreba prava prijavljivanja iz stava (1) ovog člana predstavlja povredu radne dužnosti.

Član 4.

(Komisija za prijem i razmatranje prijave korupcije)

(1) Kolegij Sekretarijata će svojom odlukom imenovati članove Komisije za prijem i razmatranje prijave korupcije u Sekretarijatu Parlamentarne skupštine BiH (u daljnjem tekstu: Komisija), propisati obrazac prijave te odrediti komunikacijske kanale kojima se može podnijeti prijava korupcije kao što su npr. posebna telefonska linija za prijave, posebna e-mail adresa, zapečaćeni sandučić za poštu.

(2) Obavještenje o imenovanju članova Komisije iz stava (1) ovog člana, komunikacijski kanali prijave te obrazac za prijavu korupcije, objavljuju se na oglasnoj ploči i na intranet portalu Parlamentarne skupštine BiH.

Član 5.

(Interno prijavljivanje drugim licima u Sekretarijatu Parlamentarne skupštine BiH)

(1) Ukoliko Kolegij Sekretarijata ne imenuje Komisiju odnosno obavještenje o imenovanju članova Komisije ne objavi na način propisan u članu 4. stav (2) ovog pravilnika ili ukoliko se prijava odnosi na člana Komisije u tom slučaju interno prijavljivanje korupcije u Sekretarijatu Parlamentarne skupštine BiH vrši se:

a) neposredno nadređenom ili

- b) Kolegiju Sekretarijata ili
 - c) Jedinici za internu reviziju u Sekretarijatu Parlamentarne skupštine BiH.
- (2) Osobe iz stava (1) ovog člana kojima je izvršeno interno prijavljivanje korupcije dužne su da sačine službenu zabilješku koju bez odlaganja dostavljaju Komisiji na daljnji postupak, osim ako se prijava odnosi na člana Komisije.
- (3) U slučaju da se prijava odnosi na člana Komisije službena zabilješka se dostavlja Kolegiju Sekretarijata koji će provesti postupak iz člana 6. ovog pravilnika.

Član 6. **(Obaveze Komisije)**

- (1) Obaveze Komisije su:
- a) prijem i evidentiranje zaprimljenih prijava korupcije;
 - b) provođenje radnji radi utvrđivanja osnovanosti prijave korupcije;
 - c) obavještanje podnosioca prijave o svim poduzetim radnjama, najkasnije u roku od 15 dana od dana prijema prijave;
 - d) pripremanje izvještaja Kolegiju Sekretarijata Parlamentarne skupštine BiH o prijavljenim slučajevima korupcije.
- (2) Komisija je dužna svaku zaprimljenu prijavu, podatke navedene u prijavi, kao i identitet lica koje je podnijelo prijavu tretirati kao službenu tajnu.

Član 7. **(Načini internog prijavljivanja)**

- (1) Interno prijavljivanje se vrši na propisanom obrascu prijave korupcije koji sadrži:
- a) ime i prezime lica koje vrši prijavu i radno mjesto na kojem je zaposleno;
 - b) informaciju o djelu korupcije koje se prijavljuje sa činjeničnim opisom (mjesto i datum dešavanja, opis nepravilnosti i slično);
 - c) ime i prezime i radno mjesto lica na kojeg se prijava odnosi;
 - d) ime i prezime i radno mjesto svjedoka i/ili drugih uključenih lica ukoliko postoje;
 - e) informaciju da li su nadređena i/ili odgovorna osoba već upoznate sa postojanjem nepravilnosti,
 - f) informaciju da li su već poduzete određene radnje na otklanjanju nepravilnosti, te
 - g) sve dokumente, ukoliko ih ima, koji ukazuju na sumnju za postojanje korupcije.
- (2) Ispunjena prijava dostavlja se Komisiji direktno ili putem uspostavljenih komunikacijskih kanala prijave iz člana 4. ovog Pravilnika.

Član 8. **(Obaveze, nadležnosti, rokovi postupanja i izvještavanja)**

- (1) Po prijemu interne prijave Komisija samostalno provodi radnje radi utvrđivanja osnovanosti prijave korupcije u konkretnom slučaju.
- (2) U cilju provođenja radnji radi utvrđivanja osnovanosti prijave Komisija ima, kada je neophodno radi utvrđivanja osnovanosti prijave, pravo neposrednog uvida u predmete, akte i službene prostorije u Sekretarijatu Parlamentarne skupštine BiH.

(3) Komisija je dužna da izvrši prethodne radnje utvrđivanja osnovanosti navoda iz prijave i utvrđivanje pravne kvalifikacije prijavljenog djela, u roku od 10 dana od dana dobijanja prijave, te da o tome informiše Kolegij Sekretarijata koji donosi odluku o odbacivanju prijave ili o poduzimanju finalnih radnji utvrđivanja osnovanosti prijave korupcije i drugih nepravilnosti u radu koje ukazuju na postojanje korupcije.

(4) Kolegij Sekretarijata, odnosno, po njegovom ovlaštenju Komisija, će obavijestiti podnosioca prijave, najkasnije u roku od 15 dana od dana prijema prijave, o odbacivanju, rješavanju ili o krajnjem roku potrebnom za finalne radnje utvrđivanja osnovanosti prijave korupcije.

(5) Komisija ima ovlaštenje da uzima izjave od državnih službenika, zaposlenika i drugih zaposlenih u Sekretarijatu Parlamentarne skupštine BiH vezano za predmet prijave i ostale neophodne radnje za finalno utvrđivanje osnovanosti prijave.

(6) O radnjama iz stava (5) ovog člana Komisija sačinjava službenu zabilješku.

Član 9. (Registar prijava)

(1) Komisija je dužna svaku zaprimljenu prijavu, odnosno službenu zabilješku o prijavi, odmah evidentirati u centralnu evidenciju svih internih prijava korupcije.

(2) Pristup centralnoj evidenciji ima Kolegij Sekretarijata, Komisija i ovlaštena službena lica kada je pristup centralnoj evidenciji potreban radi utvrđivanja osnovanosti prijave odnosno radi utvrđivanja da li je došlo do zloupotrebe prava na prijavljivanje iz člana 3. stav (2) ovog pravilnika.

Član 10. (Postupanje sa internim prijavama koje se odnose na krivična djela)

U slučaju kada je Komisija utvrdila da prijava ima osnova, te da se na osnovu prijave ili radnji provedenih na utvrđivanju njene osnovanosti može zaključiti da navedeno djelo ima obilježja krivičnog djela Kolegij Sekretarijata će o tome informirati nadležno tužilaštvo.

Član 11. (Postupanje sa internim prijavama koje se odnose na disciplinsku odgovornost)

U slučaju kada je Komisija utvrdila da prijava ima osnova, te da se na osnovu prijave ili radnji provedenih na utvrđivanju njene osnovanosti može utvrditi disciplinska odgovornost prijavljenog lica, u skladu sa Pravilnikom o disciplinskoj odgovornosti državnih službenika u institucijama BiH i Pravilnikom o disciplinskoj i materijalnoj odgovornosti zaposlenika u institucijama BiH Kolegij Sekretarijata će pokrenuti disciplinski postupak protiv prijavljenog lica.

Član 12.

(Poduzimanje radnji u cilju otklanjanja štetnih posljedica počinjenog djela)

(1) U slučaju da se u provedenom postupku utvrdi da je prijava osnovana Kolegij Sekretarijata će poduzeti potrebne radnje radi sprječavanja daljeg nepravilnog postupanja i otklanjanja štetnih posljedica počinjenog djela.

(2) Svi državni službenici i zaposlenici u Sekretarijatu Parlamentarne skupštine BiH dužni su, u okviru svojih nadležnosti i ovlaštenja, poduzeti potrebne radnje radi sprječavanja daljeg nepravilnog postupanja i otklanjanja štetnih posljedica počinjenog djela.

Poglavlje III. – Zaštita prijavitelja i lica koje ima status uzbunjivača

Član 13.

(Zaštita prava podnositelja prijave)

(1) Prema zaposlenom koji ima saznanja o postojanju korupcije ili koji prijavi korupciju u Sekretarijatu Parlamentarne skupštine BiH ne smiju se poduzimati bilo kakve štetne radnje koje imaju za cilj odvracanje od prijavljivanja korupcije, odnosno kažnjavanje zbog izvršenog prijavljivanja.

(2) Kolegij Sekretarijata te neposredno nadređeni licu koje je prijavilo korupciju, dužni su da osiguraju zaštitu ličnog i profesionalnog integriteta lica koje je prijavilo korupciju u Sekretarijatu Parlamentarne skupštine BiH.

Član 14.

(Odgovornost podnositelja prijave zbog zloupotrebe prava)

(1) Zloupotreba prava prijavljivanja predstavlja povredu radne dužnosti.

(2) U slučaju kada se prilikom provođenja radnji na utvrđivanju osnovanosti prijave ili kasnijih radnji utvrđivanja odgovornosti za prijavljena djela utvrdi da je podnositelj prijave, suprotno odredbama Zakona o zaštiti lica koja prijavljuju korupciju u institucijama Bosne i Hercegovine i ovog pravilnika, zloupotrijebio pravo prijavljivanja o tome će se obavjestiti Agencija za prevenciju korupcije i koordinaciju borbe protiv korupcije i Upravna inspekcija Ministarstva pravde Bosne i Hercegovine, radi pokretanja prekršajnog postupka u skladu sa odredbama člana 12. stav (3) Zakona o zaštiti lica koja prijavljuju korupciju u institucijama Bosne i Hercegovine.

(3) Ukoliko se utvrdi da zloupotreba prava prijavljivanja sadrži elemente krivičnog djela lažnog prijavljivanja, Kolegij Sekretarijata će o počinjenom krivičnom djelu obavjestiti nadležno tužilaštvo.

Član 15.

(Pravo na dobijanje statusa uzbunjivača)

(1) Lice koje interno prijavi korupciju u skladu s Zakonom o zaštiti lica koja prijavljuju korupciju u institucijama Bosne i Hercegovine i ovim pravilnikom ima pravo da se obrati

Agenciji za prevenciju korupcije i koordinaciju borbe protiv korupcije za dodjelu statusa uzbunjivača, ukoliko smatra da bi zbog navedenog internog prijavljivanja prema njemu mogle biti poduzete štetne mjere ili su već poduzete.

(2) Zaštićeno interno prijavljivanje teče od dana podnošenja prijave.

(3) Lice koje dobije status uzbunjivača neće se smatrati materijalno, krivično ili disciplinski odgovornim za otkrivanje poslovne tajne u slučaju prijavljivanja korupcije u skladu sa odredbama Zakona o zaštiti lica koja prijavljuju korupciju u institucijama Bosne i Hercegovine.

Član 16.

(Postupanje po instrukciji Agencije)

(1) U slučaju kada je Agencija za prevenciju korupcije i koordinaciju borbe protiv korupcije, u skladu sa odredbom člana 8. stav (2) Zakona o zaštiti lica koja prijavljuju korupciju u institucijama Bosne i Hercegovine, donijela instrukciju, Kolegij Sekretarijata će izvršiti korektivnu mjeru sa ciljem otklanjanja učinjene štetne radnje u roku od tri dana od dana zaprimanja instrukcije.

(2) Korektivna mjera će biti ukidanje štetne mjere i vraćanje u prethodno stanje.

Poglavlje IV. – Prelazne i završne odredbe

Član 17.

(Obaveza upoznavanja sa odredbama Pravilnika)

(1) Zadužuje se Sektor za opće poslove da o pravima i obavezama iz ovog Pravilnika upozna sve zaposlene u Sekretarijatu Parlamentarne skupštine BiH.

(2) Svi zaposleni u Sekretarijatu Parlamentarne skupštine BiH dužni su da potpišu izjavu o tome da su upoznati sa pravima i obavezama iz ovog Pravilnika i Zakona o zaštiti lica koja prijavljuju korupciju u institucijama Bosne i Hercegovine, koja će se uložiti i čuvati u njihovom personalnom dosjeu.

Član 18.

(Stupanje na snagu)

Ovaj Pravilnik stupa na snagu danom donošenja, a objavljuje se na oglasnoj ploči i na intranet portalu Parlamentarne skupštine BiH.

Capajeb0, 25.04.2014.
SP01: 03-02-4-561/14

